



PROGRAMMA INAUGURALE ²⁸
ORDINIS MEDICI ^{1728,2}
IN ALMA CHRISTIAN-ALBERTINA,
DISSERTATIONEM
PRO GRADU DOCTORIS,
ET SUMMIS IN ARTE HONORIBUS ET PRIVILEGIIS RITE
ET MAJORUM MORE OBTINENDIS,
A NOBILISSIMO ET CLARISSIMO
CANDIDATO

WILHELMO HENRICO
Saldtschmiedt/

DE
MORBIS SIMULATIS AC DIS-
SIMULATIS,

DIE XXVII. NOVEMBR. H. ET L. CONSUETIS
PUBLICE ET SOLENNITER HABENDAM
INTIMANS.

P. P. KILIE HOLSAT. DOMINIC. XXV. POST TRINIT.
ANNO REPARATÆ SALUTIS. M DCC XXVIII.
SUB SIGILLO FACULTATIS,



Medici officium duplex esse, clinicum & forense, atque istud circa ægrotantium lectos, in cognoscendis & curandis morbis, hoc vero circa casus in foro occurrentes, versari; illud privatum, hoc vero publicum esse, nemo in dubium vocabit, cui ignotum non est, Legum peritiam sociam & adjutricem fidam sibi, sacro quasi fœdere in jure dicendo junxisse Medicinam; ita ut ex utriusque connubio ortum duxerit scientia medico legalis seu forensis, admodum utilis & necessaria omnimode reipublicæ, circa varios casus in judiciis quotidie fere occurrentes, quorum decisio non nisi ex principiis Medicis est haurienda. Quare ipsæ quoque Leges, harumque Doctores, quin Legum Imperatoriarum Maiestas, & Pontificiarum Sanctimonia Medicorum judicio se ultro submittit, secundum *Condronchium* method. testificandi. Et Medicinæ opera ipsæ leges publicæ uti coguntur, quarum multas sine ea nec legislator condidit, nec explicare audet interpret; & medica implorat oracula Prætor cautus, monente Bohnio, de officio Medici dupl. p. 530. Unde factum est sine dubio, ut circa insignem hanc
Artis

Artis Medicæ partem multi magni nominis Medici jam occupati fuerint, quibus omnibus recensendis nec vacat impræfentiarum, nec libet. Hoc saltem monere liceat, quod tanta commentatorum, tanta casuum, observationum & responsorum copia & multitudine, quicquid occurrit difficultatum, nondum penitus sit exhaustum, quin occurrunt subinde ejusmodi circumstantiæ, quæ suspensum tenent iudicium aut certe reddunt dubium Judicem & Medicum alias perspicacissimos. Nemo igitur Ordini nostro vertat vitio, si intra binas septimanas binas admittamus dissertationes inaugurales circa materias Medico forenses versantes & occupatas, de *Vulneribus arteriarum in artibus, sepe funestis, raro lethalibus* unam; & præsentem alteram de *morbis simulatis & dissimulatis*. Cum vero pro more in Facultate recepto de natalibus & studiis laudabilibus præsentis nostri Candidati

WILHELMI HENRICI *Waldschmiedt*,
aliqua commemoranda sint, Vitæ Curriculum propriis verbis ab eo conceptum hic referre liceat.

Natus sum in hac Alma circa præsentis seculi initia, ubi Genitorem habeo virum Experientissimum & pie Venerandum, WILHELMUM HULDERICUM WALDTSCHMIEDIUM, *Med. Doct. & Profess. Primarium nec non Philosophie Experimental. Prof. Ordinarium*, Matrem autem honestissimam Matronam, JOH. DAN. MAJORIS, *Archiatri quondam Ducalis & Medicinæ Doct. itemque Professoris* in hac Academia Primarii, viri etiam post fata Celeberrimi, Filiam. Quibus Optimis Parentibus senectutem precor longævam & vegetam, Avus Paternus fuit JOH. JAC. WALDSCHMIEDIUS, *Med. Doct. ejusdemque in Marpurgensi florentissima Academia Prof. Primarius, & Sereniss. Hassorum Principis Archiater & Consiliarius*, cujus præclara de Arte nostra Salutari merita post fata

adhuc loquuntur, His igitur parentibus natus prima humaniorum studiorum fundamenta in Schola patria posui, quæ postea privatorum Præceptorum fides atque industria magis excoluit, donec Anno 1717. Academia nomen darem, Patre t. t. Pro-Rectore Magnifico. Hinc sedulam Philosophiæ operam navabam, & Primo Cl. Mag. BÜTZERUM (jam Verbi Divini Ministrum Reverendum) Logicam docentem audiui; deinceps integrum Philosophiæ Cursum explicante Viro Nobiliss. & Amplissimo DN. Prof. GENTZKENIO bis absolvi. In Mathematicis Nobiliss. & Acutissimum Dn. Prof. KOSIUM Manu ductorem habui. Potissimum vero in Physica addiscenda eram strenuus, bene gnarus triti istius, quod ubi desinat Physicus, ibi incipiat Medicus, hinc quoque Collegio Physico Experimentalis a Patre habito attentus interfui. Quoniam vero totum me Arti Salutari destinaveram, philosophicis doctrinis preparatus Cl. & Experientiss. Dn. Doct. RICHTERUM, Rev. Lubecensium Episcopi nunc Consiliarium Aulicum & Archiatrum, in *Boerhaavii* Instit. Medicas commentantem, item Materiam Medic. Viresque Remediorum explicantem multo cum fructu audiui. Præprimis vero Parens Venerandus ad omnem Theoriam Medicam cognoscendam fidissimi instar comitis manu me duxit. Is nimirum in Celeberr. *Bergeri* de N. H. Librum fuit commentatus, Instit. Medicas tradidit, *Heisteri* Compend. Anatomicum ita pertractavit, ut in Sceleto simul compagem & connexionem ossium, atque in alio musculis artificiose preparatis instructo omnia diligenter demonstraret. *Botanicam* præterea, *Materiam Medicam*, *Chymiam*, *Chirurgiam* docuit, hisque Methodum formulas concinne præscribendi adjunxit. Sæpius etiam Sectionibus a Patre in cadaveribus violenta morte defunctorum ministratis interfui, nec non Anatomia Publica A. 1722. ab eodem instituta. Sub ejusdem quoque Præsidio, Opponentis munere
ali-

aliquoties defunctus, A. 1723. *Dissert. de Abortus facti Signis in Matris, præsertim defunctæ, partibus generationi dicatis inve- niendis*, publice defendi. Inde Lipsiam, Optimam illam Mu- sarum Sedem, profectus, Viro Exper. atque Magnif. D. D. ETTMÜLLERO, Academiæ t. t. fasces gerente, numero ci- vium addictus fui. Hujus Exc. Viri humanitate impetrabam, ut non solum per integrum triennium in visitandis sanandisque ægris Nosocomii ad vallem rosarum siti comite me uteretur, sed etiam cadaveris foemini hydrope ibi extincti Anatomem manibus meis concrederet. Tacco fructus singulares ex Collegio ejusdem Clinico-Casuali perceptos. Æque fidelem quoque & benignum in me sum expertus Excell. Dn. Doct. SCHACHERUM Facult. Med. Decanum perpetuum, cujus singularem in docendo fidem, perspicuitatem atque huma- nitatem grata potius mente recolere, quam multis quidem verbis, non suffecturis tamen, hic laudasse, præstat. (1) e- nim *Physiologiam* ad Anatomix ductum, (2) *Materiam Medi- cam* cum annexa *doctrina formularum*, (3) denique *Praxin Me- dicam* privatim me edocuit. Præterea ex publicis ejus Le- ctionibus nunquam non doctior discessi. In *Chirurgicis* mi- hi facem prætulit Excell. atque Doctiss. Dn. Prof. atque Doct. PLATNERUS privatim in *Heisteri* Chirurgiam commentatus, privatissime autem fascias commodissime applicandi artem fideliter monstrans. CL. WALTHERUM quoque Anat. & Chir. P. P. in Anatomicis atque Chirurgicis veneror; qui simul IX. in cadaveribus administratis Anatomis publicis in celebra- tissimo per universam Europam Theatro Anatomico me præ- sentem & manus præparationibus admoventem habuit. Una harum instituebatur in meretrice foetum partui proximum utero gerente. *Chymiam* Theoreticam æque ac Practicam a Viro Prænobiliss. Doctissimoque Dn. Doct. QUELLMAL- TZIO, nunc Anat. & Chir. P. P. in proprio ejus Laborato-

rio edoctus sum, cuius quoque Disputatorii Collegii mem-
brum me fuisse recorder. In *Botanicis* Praeceptorem ha-
bui Cl. & orbi erudito satis notum Dn. HANIUM, fre-
quentes subinde excursiones instituentem. Tum etiam in
Horto Botanico Praenobiliff. Dn. Doct. LISCHWITZII de-
monstrationibus sedulo adstiti. Nec philosophica neglexi. Ce-
leberrimum enim Profess. MENTZIUM *Physic. Experimentalem*
pendentem bis audiui; & simile Collegium frequentavi apud
Virum Experientiff. & Doctiff. Dn. Dr. LEHMANNUM, cuius
ingentem pretiosissimarum machinarum copiam saepe sum ad-
miratus. Integrum denique *Cursum Mathematicum* absolvi,
praecunte Clariff. Mathemat. Profess. HAUSENIO. Prae-
terea ex crebra Bibliothecarum frequentatione multum fru-
ctus collegi. Denique me multis gloriari nolo, Magni
in Illustri Petropolitana Academia degentis Patroni favo-
re factum esse, ut Adjuncti Philosophici Ordinis dignitas u-
na cum Salario annuo in Nova illa Musarum sede mihi pa-
raretur, id quod Celeberrimus apud Wittembergenses Ma-
theseos Professor Dn. HASIUS, cui hoc negotium commis-
sum erat, mihi per litteras indicabat; quam tamen varias
ob causas eo tempore modeste declinare coactus fui. Caete-
rum occasione subinde oblata, Jenam quoque atque Halam
studiorum gratia inveni, ubi ex Medicorum Celebriorum par-
tim Collegiis partim conversatione atque alloquio haud parum
me profecisse memini. Hinc Ann. 1726. sub finem M. Julii
Hamburgum, Celeberr. illud Germaniae Emporium me contuli,
ibidemque, quoniam occasio sat ampla occurrebat, in Bota-
nicis, Medicis & Chirurgicis plura proficua hauriendi, per
anni fere dimidium sum commoratus. Prae reliquis Celeberr.
Dn. de SPRECKELSEN J. U. L. & Botanophili Summi praer-
stitum mihi favorem & humanitatem singularem nunquam
satis dignis possum praedicare praconis, semper vero pecto-
re

re gratissimo recondam. Hujus enim amcenissimum hortum
sepissime mihi ingredi plantasque exoticas numerosissimas
contemplari licuit. Ut nihil nunc addam de Gazophylacio
ejusdem, naturæ spoliis splendidissimis undique superbientē,
quæ mihi admirationem summam moverunt non semel.
Grato etiam animo agnosco Experimentiff. Dn. Dr. LOSSAVII
Chirurgi æque ac Chymici consummati benevolum in me
affectum, per quem non solum Laboratorium ejus Chymi-
cum intrare, sed etiam Operationibus Chirurgicis diversis so-
lerti & experta ejus manu factis interesse mihi licuit. Sectioni
quoque & extractioni calculi vesicæ, gallinacei ovi figura
atque magnitudine, ab experto Chirurgo Dn. CARPSERO in
puero feliciter institutæ spectator adfui. &c. Brumali jam fri-
gore invalescente domum repetii, & datis ad *Illustr. Medico-
rum Ordinem* litteris facile obtinui, ut ad consueta examina
privata admitterer, quibus die 13. & 14. mensis Decembr. per-
actis, non solum Candidati titulo me ornavit, verum etiam
talem me judicavit *Ampliff. Facultas*, qui Summos in Medici-
na Honores & Privilegia Doctoralia consequeretur. Postquam
igitur per aliquod interea tempus Eruditorum, præprimis
Medicorum, consortio in hac Alma sum fruius, meque in-
terdum etiam in Artis Operibus exercui, nunc tandem, quod
concessum dudum erat, in examem Publicum prodire, & de-
fendere *Dissertationem* meam DE MORBIS SIMULATIS AC
DISSIMULATIS in animum induxi. Faxit Altissimum Numen,
ut & hoc succedat feliciter! Cui Æterno Numini pro præsti-
to mihi hætenus auxilio sit Laus, Honor, & Gloria in sem-
piternum! Atque Idem, ut Propitium Sua mihi Clementia
adfit in omni vita mea, & operi manuum mearum benedicat,
inque proximi salutem ac commodum Suamque Gloriam u-
nice dirigat: Patronos pariter, Promotores atque Præcepto-

tes

res meos longa vegetaque vita beet, humillimis adoro precibus.

Hæc sunt, quæ Candidato paulo prolixius tradere placuit, & cum disputationi huic inaugurali, sub præsidio Viri Magnifici Amplissimi & Experientissimi Dni CAROLI FRIDERICI LUTHERI, Med. Doctoris & Professoris longe Celeberrimi publice ventilandæ proximus XXVII. Novembris sit destinatus, ad actum hunc solennem Omnes Omnium Ordinum PROCERES, Generis & Munerum dignitate conspicuos, Musarumque PATRONOS omnes, Civesque Academicos, quæ par est observantia & benevolentia rogantur & invitantur. P. P. XXI. Noy. M. DCC XXVIII.



ULB Halle
004 367 324

3





PROGRAMMA INAUGURALE ²⁸
ORDINIS MEDICI ^{1728,2}
IN ALMA CHRISTIAN-ALBERTINA,
DISSERTATIONEM
PRO GRADU DOCTORIS,
ET SUMMIS IN ARTE HONORIBUS ET PRIVILEGIIS RITE
ET MAJORUM MORE OBTINENDIS,
A NOBILISSIMO ET CLARISSIMO
CANDIDATO

WILHELMO HENRICO
Haldtschmiedt/
DE
MORBIS SIMULATIS AC DIS-
SIMULATIS,

DIE XXVII. NOVEMBR. H. ET L. CONSUETIS
PUBLICE ET SOLENNITER HABENDAM
INTIMANS.

P. P. KILÆ HOLSAT. DOMINIC. XXV. POST TRINIT.
ANNO REPARATÆ SALUTIS. M DCC XXVIII.
SUB SIGILLO FACULTATIS.

